



REPUBLIKA E SHQIPËRISË
Komisioneri për Mbrojtjen e të Dhënave Personale
Komisioneri

Nr. 18/5 Prot.

Tiranë, më 08/12/2011

Lënda: Rekomandim për Coca-Cola Bottling Shqipëria Sh.p.k.

REKOMANDIM

Nr. 18/5, datë 08/12/2011

Mbështetur në Ligjin nr.9887, datë 10.03.2008 “Për Mbrojtjen e të Dhënave Personale”, Vendimet e Kuvendit të Shqipërisë nr.211, datë 11.09.2008 “Për zgjedhjen e komisionerit për mbrojtjen e të dhënave personale” dhe nr 225, datë 13.11.2008 “Për miratimin e strukturës organikës dhe kategorizimit të pozicioneve të punës të zyrës së Komisionerit për mbrojtjen e të dhënave personale”, pas shqyrtimit të relacionit të Drejtorisë së Inspektimit në ngarkim të kontrolluesit, Coca-Cola Bottling Shqipëria Sh.p.k,

KONSTATOVA

Më datë 21/11/2011, nga grupi i inspektimit të Zyrës së Komisionerit është zhvilluar kontrolli administrativ pranë kontrolluesit, Coca-Cola Bottling Shqipëria Sh.p.k, me cilësinë si kontrollues që mbledh dhe përpunon të dhëna personale në ushtrim të qëllimit dhe aktivitetit të tij, me objekt:

Verifikimi i zbatimit të Rekomandimit Nr.18/3 prot., datë 17.11.2010, të vendosur nga Komisioneri për Mbrojtjen e të Dhënave Personale, në ngarkim të kontrolluesit Coca-Cola Bottling Shqipëria Sh.p.k.

Komisioneri “Për Mbrojtjen e të Dhënave Personale” pasi shqyrtoi procesverbalin e kontrollit administrativ të mbajtur me këtë rast si dhe provat e administruara, vëren se:

Me Rekomandimin Nr.18/3, datë 17.11.1010, ju është kërkuar të hartoni një rregullore të veçantë, ose të përfshinit në Rregulloren tuaj të Brendshme, dispozita ose rregulla që sigurojnë mbrojtjen e të dhënave personale, mbledhjen dhe përpunimin e tyre, duke parashikuar edhe kohëzgjatjen e ruajtjes dhe mbajtjes së këtyre të dhënave, si më poshtë:

Të hartohet rregullore e brendshme për mbrojtjen e të dhënave personale dhe konfidencialitetin ose në rregulloren ekzistuese të përfshihet një rubrikë në lidhje me mbrojtjen e të dhënave personale ku të parashikohet edhe kohëzgjatja e mbajtjes së të dhënave personale, sipas qëllimit për të cilin ato janë grumbulluar, duke zbatuar kërkesat e neneve 5, 27 dhe 28 të Ligjit Nr. 9887 “Për Mbrojtjen e të Dhënave Personale”.

Jo pikë e Rekomandimit, ishte realizuar pjesërisht, pasi ju kishit hartuar rubrikën e veçantë në rregulloren e kompanisë, por **nuk kishit parashikuar kohëzgjatjen e mbajtjes së të dhënave personale, sipas qëllimit për të cilin ato janë grumbulluar.**

Nga kontrolli administrativ i ushtruar prej Drejtorisë së Hetim Inspektimit mbi përmbushjen e Rekomandimit Nr.18/3, datë 17.11.1010, të Komisionerit për Mbrojtjen e të Dhënave Personale, pranë kompanisë tuaj më datë 21.11.2011, **është konstatuar se nuk keni zbatuar plotësisht detyrimin ligjor të sipërpërmendur.**

Për sa më sipër, në zbatim të neneve 29, 30 dhe 32, të Ligjit Nr. 9887, datë 10.03.2008 “Për Mbrojtjen e të Dhënave Personale”, si dhe 107-109 të Kodit të Procedurave Administrative:

REKOMANDOJ

1. Në rubrikën për mbrojtjen e të dhënave personale, pjesë e Rregullores së Brendshme të kontrolluesit Coca-Cola Bottling Shqipëria Sh.p.k., të parashikohet kohëzgjatja e mbajtjes së të dhënave personale, sipas qëllimit për të cilin ato janë grumbulluar, duke zbatuar kërkesat e neneve 5, 27 dhe 28 të Ligjit Nr. 9887 “Për Mbrojtjen e të Dhënave Personale”.
2. Kryerja e këtij detyrimi të rëndësishëm që ju ngarkon ligji, të kryhet brenda një afati kohor prej 5 (pesë) ditësh.
3. Me kalimin e këtij afati në rast mospërmbushjeje të këtij detyrimi, Komisioneri vepron sipas neni 30, pika 2, të Ligjit Nr. 9887, datë 10.03.2008 “Për mbrojtjen e të dhënave personale” *Komisioneri në rast shkeljesh serioze të përsëritura ose të qëllimshme të ligjit nga një kontrollues ose përpunues, veçanërisht në rastet e përsëritura të moszbatimit të rekomandimeve të tij, vepron sipas nenit 39 të këtij ligji dhe e denoncon publikisht ose e raporton çështjen në Kuvend dhe në Këshillin e Ministrave*”.

Duke ju falenderuar për mirëkuptimin,

KOMISIONERI

FLORA ÇABEJ (POGAÇE)

